



ATASSUT
Postboks 399
3900 Nuuk
+299323366
Fax: +299325840
Atassut@greenet.gl
www.atassut.gl

Nuuk 18. januar 2007

Inatsisartut suleriaasianni § 36, immikkoortoq 2 naapertorlugu matumuuna imaattumik Naalakkersuisunut apeqquteqarpugut:

Apeqqut: Nunatsinnut nunatsinniillu angallannerup annertusiartuinnarneranut naapertuut-tumik Kangerlussuarmi akunnittarfiup nutartertinnegarnissaanik allilerneqarnissaanillu suliaqartitsissallutik Naalakkersuisut pilersaaruteqarpat?

(ATASSUT-ip Inatsisartuni ilaasortaaitai: Augusta Salling, Ellen Christoffersen, Kristian Jeremiassen, Thomas Kristensen, Godmand Rasmussen)

Tunngavilersuut:

Nunatta nunarsuarmioqatigiinnermut naleqqussarluarsimaneranut takussutissaasut ilagaat ukiut ingerlanerini nunatsinnut nunatsinniillu angallanneq annertusiartuinnarmat.

Tamatta nuannaarutigeqisatsinnik isumalluaatigeqisatsinnillu Nunatta USA-llu akornanni silaannakkut toqqaannartumik attavinippugut, ATASSUT-millu qularutiginnngilarput tamanna atorluarneqarumaartoq.

ATASSUT-milli nalunngilarput angallanneq, pingaartumik silaannakkut angallanneq annertusiartuinnaraluartoq Kangerlussuarmut tikinnermi akunnittarfik ukiorpassuarni, iluarsartuussinerit annikitsualuit eqqaassanngikkaanni, nutarsarneqarani allilerneqaranilu pisoqaliartortinneqarsimasoq angallattullu amerlassusaannut naapertuukkunnaariartuinnarsimasoq, tassa nutaanngippallaalerlunilu mikivallaalersimasoq.

Taamatuttaaq sillimaniarnerup qaffasilluinnarnissaa nunarsuarmioqatitta, pingaartumik amerikamiut, piumasaqaataannut ilaalluinnartoq arajutsisimaneqanngilaq, Kangerlussuarmili sillimaniarnikkut atortorineqartut nutaanngilisimallutillu ilaasut amerlassusaannut naapertuukkunnaarsimasut ATASSUT-mit arajutsisimanngilarput.

Taamaamat ATASSUT-mit paaserusupparput nunatsinnut nunatsinniillu angallannerup annertusiartuinnarneranut naapertuuttumik Kangerlussuarmi akunnittarfiup nutartertinnegarnissaanik allilerneqarnissaanillu suliaqartitsissallutik Naalakkersuisut pilersaaruteqarnersut?

Piaartumik akineqarnissarput naatsorsuutigaarput, akissutillu ukununnga nassiunneqassasut kissaatigaarput: aus@gh.gl krje@gh.gl thok@gh.gl gora@gh.gl ekri@gh.gl kiisalu landstinget@gh.gl

Qujanaq.